

KJKP "VODOVOD I KANALIZACIJA" d.o.o. SARAJEVO
v.d. DIREKTOR
Izvod broj: 22/18

Sarajevo, 27.07.2018 godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 22/18 od 17.07.2018. godine, u postupku javne nabavke br. 22/18 „**Kamion 20 t**“. donosi se :

O D L U K A
o poništenju postupka javne nabavke

Član 1.

Poništava se postupak javne nabavke broj 22/18 za nabavku roba : „**Kamion 20 t**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : 22/18 od 25.03.2018.godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 300.000,00 KM.

Obavještenje o nabavci broj: 247-1-1-124-3-200/18 poslato je na objavljivanje na Portal javnih nabavki dana 25.05.2018.godine a sažetak obavještenja o nabavci objavljen je u Sl. glasniku BiH broj : 36. od 01.06.2018. godine.

Komisija za javnu nabavku imenovana je Rješenjem br. 18-12-01/17 od 18.12.2017 godine, Rješenjem o izmjeni Rješenja o imenovanju Komisije za javne nabavke br. 23-02-01/18 od 23.02.2018. godine i dopunskim Rješenjem članova komisije broj 22/18-1 od 25.03.2018.g.

Komisija za javnu nabavku dostavila je dana 24.07.2018.g. Preporuku o poništenju postupka javne nabavke roba : „**Kamion 20 t**“ tender broj 22/18.

Komisija za javnu nabavku je sačinila odgovarajuće zapisnike u kojima je utvrđeno sljedeće:

-Za predmetnu javnu nabavku dostavljena: 1 (jedna) ponuda ponuđača: „A.C.I.“ d.o.o. Sarajevo

- Da je blagovremeno zaprimljena: 1 (jedna) ponuda ponuđača: „A.C.I.“ d.o.o. Sarajevo

- Da nije bilo neblagovremeno zaprimljenih ponuda.

Da dostavljena ponuda ponuđača, „A.C.I.“ d.o.o. Sarajevo ispunjava zahtjevane tenderske uslove prema obliku i potpunosti u smislu pripreme ponuda.

Pregledom ponude ponuđača, „A.C.I.“ d.o.o. Sarajevo konstatovano je da isti ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Daljim pregledom ponude ponuđača „A.C.I.“ d.o.o. Sarajevo, konstatovano da je isti u Izjavi ponuđača, koja je sastavni dio Obrasca za ponudu – Aneks II; Prilog 1., i u Obrascu za cijenu ponude – Aneks III; Prilog 2, izvršio ispravku koja nije urađena u skladu za zahtjevima iz tenderske dokumentacije.

Naime, u Izjavi ponuđača izvršena je ispravka u okviru tačke 3. u dijelu „Ukupna cijena ponude sa uračunatim popustom + PDV (ako ponuđač nije PDV obveznik, upisuje se isti iznos kao što je upisan na mjestu predviđenom za upis cijene ponude bez PDV-a)“, na način da je preko napisanog iznosa (350.766,00 KM) izvršena korekcija, ali ista nije potvrđena potpisom ponuđača i nema datuma izvršene ispravke te izvršena ispravka nije urađena na zahtijevani način.

Konstatovano je i da je u Obrascu za cijenu ponude, u okviru rubrike pod rednim brojem 6. „Ukupna cijena ponude bez PDV-a“ izvršena ispravka cijene izražene u slovima, a koja nije potvrđena potpisom ponuđača i nema datuma izvršene ispravke.

Izvršene ispravke nisu urađene na zahtijevani način odnosno ponuđač prilikom vršenja ispravki nije postupio u skladu sa zahtjevima koji su dati u okviru tačke 17.1 tenderske dokumentacije a odnose se na „Ispravke u ponudi“, gdje je jasno i precizno određen način vršenja ispravki i to : ***„Ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15)“.***

Obzirom na navedeno, Komisija je utvrdila da ponuda ponuđača „A.C.I.“ d.o.o. Sarajevo ne ispunjava zahtjeve ugovornog organa tražene tenderskom dokumentacijom, zbog čega se ponuda ovog ponuđača odbacuje kao neprihvatljiva, a sve u skladu sa članom 68. stav (4) pod i) Zakona o javnim nabavkama.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- a/a

*h
Muzur:*



29 v.d. Direktor -u

Azra Muzur

Azra Muzur, dipl.inž.građ.